

SAMOA

**TULAFONO FAATONUTONU O TEUTEUGA
O TULAFONO FAATONUTONU O
LAISENE O PISINISI 2018**

Faatulagaina o Aiaiga

- | | |
|--|------------------------------------|
| 1. Igoa puupuu ma le amataga | 4. Ua faaofiina le tulafono |
| 2. Ua teuteuina le Tulafono
Faatonutonu 2 | faatonutonu 7 fou |
| 3. Ua teuteuina le Tulafono
Faatonutonu 4 | 5. Ua faaofiina le Faamatalaga fou |
| | 6. Aiaiga faasaoina |

E TUSA AI ma le fuaiupu 6(3) ma le 19 o le Tulafono o Laisene o Pisinisi 1998, **O A'U, TUIMALEALIIFANO VAALETOA SUALAUVI II**, O Le Ao o le Malo Tutoatasi o Samoa, i le faia i luga o le fautuaga a le Kapeneta, **UA OU FAIA AI** Tulafono Faatonutonu nei:

FAIA i lenei aso 13 o Tesema 2018.

sainia: (Tuimalealiifano Vaaletoa Sualauvi II)

O LE AO O LE MALO

TULAFONO FAATONUTONU

1. Igoa puupuu ma le amataga - E mafai ona taua nei Tulafono Faatonutonu o Tulafono Faatonutonu o Teuteuga o Tulafono Faatonutonu o Laisene o Pisinisi 2018 ma e amata faamamaluina i le aso e tuuina i ai le maliega a le O Le Ao o le Malo.

2. Ua teuteuina le Tulafono Faatonutonu 2 - I totonu o le tulafono faatonutonu 2 o Tulafono Faatonutonu o Laisene o Pisinisi 2012 (“Tulafono Faatonutonu autu”) ia faaofi i le faasologa o mataitusi o le pi faitau faa-Peretania faamatalaga fou nei:

““tagata ua faamanuiaina e umia” o lona uiga o so o se tagata soifua, o ia lea na te umia atoatoa, po o e puleaina so o se tagata, o aveā ma ona sui i le faatautaiga o se feuaiga faapisinisi, ma e aofia ai so o se tagata o ia lea ua ia faatino atoatoa le puleaina o se tagata ua i lalo o vaavaaiga faaletulafono po o se faatulagaga.”.

3. Ua teuteuina le Tulafono Faatonutonu 4 - I le tuanai ai o le tulafono faatonutonu 4(d) o Tulafono Faatonutonu autu, ia faaofi e faapea:

“(e) e ao i se tagata ua tuuina atu i ai se laisene i lalo o le tulafono faatonutonu 3(b), (c), (d), (f), (g) ona ia logoina le Komesina e ala i se faiga tusinga, pe afai ua i ai se suiga o le pule e umia ai le kamupani, a itiiti mai o le 14 aso a o lumanai ai le faaliliuina atu.”.

4. Ua faaofiina le tulafono faatonutonu 7 fou - I le tuanai ai o le tulafono faatonutonu 6 o Tulafono Faatonutonu autu, ia faaofi e faapea:

“7. Faamatalaga Auiliili o Laisene o Pisinisi - O faamatalaga auiliili nei e tatau ona tuuina atu faatasi ma se talosaga mo se laisene:

- (a) Ata o le faafanua o le nofoaga o le pisinisi;
- (b) o le Pepa aloaia faaletulafono e iloagofie ai faatasi ma se ata pu’e o le tagata talosaga, o ē umia sea, po o faatonu o le pisinisi pe afai e talafeagai ai;
- (c) o le Tagata ua Faamanuiaina e Umia (tagata e umia atoatoa) le pisinisi;
- (d) Tusitupe o le pisinisi e faailoa ai faamatalaga molimau o tupe faavae o faatupeina ai le pisinisi;
- (e) Tusi Faamaonia o le Tuufaatasia Faaletulafono o le kamupani (pe afai e talafeagai);

- (f) Maliega Faapaaga (pe afai e talafeagai);
- (g) Feagaiga o Pepa Aloaia Faaletulafono o Mavaega Tausi (pe afai e talafeagai);
- (h) Tusi Faamaonia o Tupe Teufaafaigaluega i Fafo (pe afai e talafeagai);
- (i) Totogifuapauina talafeagai o laisene;
- (j) Tusi Faamaonia o le Tausisia o Tulaga Tau le Soifua Maloloina (mo pisinisi e aofia ai taumafa e vave gaosi ma gaoioiga e fesootai i ai);
- (k) Faamaoniga a le Pulega o Tagata Tafafao Maimoa Mai Fafo (mo apitaga mo tagata tafafao maimoa mai fafo ma gaoioiga e fesootai i ai);
- (l) o Tusi Pasi Aloaia Faamaonia/Tusi Aloaia Tauloa (mo galuega faapitoa);
- (m) Laisene o le Matagaluega o Tupe e faagaoioia ai se Pamu Penisini (pe afai e talafeagai);
- (n) laisene o taaloga bingo e tuuina atu i lalo o le Tulafono o le Faafoega o Taaloga Eseese Tau Tupe 2017 e faafoeina ai taaloga bingo (pe afai e talafeagai).”.

5. Ua faaofiina le Faamatalaga fou - I le tuanai ai o le tulafono faatonutonu 7 fou, ia faaofi e faapea:

**“FAAMATALAGA
(Totogifuapauina o Laisene o Pisinisi)**

Vasega o Laisene	Totogifuapauina
Tagata Faipisinisi Taitoatasi	\$352.00
Kamupani	\$800.00
Pisinisi faapitoa	\$50.00 i le aso

”.

6. Aiaiga faasaoina - So o se totogifuapauina o so o se laisene o pisinisi ua aoina e le Matagaluega mai le aso 1 Ianuari 2018, e aloaia pea e peiseai ua aoina i lalo o nei Tulafono Faatonutonu.

**Tuuina atu i lalo o le pule faataga a le Tulafono o Tulafono
Faatonutonu 1953.**

Aso e amata faamamaluina ai: 13 Tesema 2018.

**O nei Tulafono Faatonutonu o lo o faafoeina e le Matagaluega o Tiute
ma Tupe Maua.**

**O ata o nei Tulafono Faatonutonu o lo o mafai ona faatauina atu, mai
le Ofisa o le Failautusi o le Fono Aoaofaitulafono.**

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**